



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boiarum, ac loca quædam vicina

Hund, Wiguleus

Monachii, 1620

Confirmatio ordinis & foundationum Monasterij per Lucium Papam.

urn:nbn:de:hbz:466:1-13591

ACTA sunt hæc anno incarnationis Domini M. C. LXXXV. residente Domino Alberto Saltzburgensi Archiepiscopo, in solemnibus Capitulis, apud Laufen habito, XVII. Calendas Decembris presentibus & assentientibus Præpositis & Abbatibus, supra in inscriptionibus suis annotatis, & laicis quàm plurimis.

ADDITIONES.

Confirmatio ordinis & foundationum Monasterij
per Lucium Papam.

Lucius Episcopus servus servorum Dei. Dilectis filiis Lanzoni Hallensi Præposito, eiusque fratribus tam presentibus quam futuris Regularem vitam professis in perpetuum. Desiderium quod ad Religionis propositum & animarum salutem pertinere monstratur, animo nos decet libenti concedere, & peccentium desideriis congruum impertiri suffragium. Eapropter dilecti in Domino filij, vestris iustis postulationibus clementer annuimus & præfatam Ecclesiam, Hallensem in qua diuino mancipati estis obsequio, sub beati Petri & nostræ protectione suscipimus, & presentis scripti privilegio communimus. Statuentes ut in eadem Ecclesia, prout venerabilis frater noster Conradus Salisburgensis Archiepiscopus ordinavit, & scripto suo firmavit, ordo Canonicus secundum beati Augustini regulam perpetuis temporibus inuiolabiliter conseruetur. Præterea quascunque possessiones, quæcunque bona eadem Ecclesia in presentiarum iuste & canonice possidet, aut in futurum concessione Pontificum, largitione Regum vel Principum, oblatione fidelium, seu aliis iustis modis DEO propitio poterit adipisci, firma vobis, vestrisque successoribus & illibata permaneant. In quibus hæc propriis duximus exprimenda vocabulis. Capellam sanctæ Mariæ Muna. Capellam sancti Georgij Chirichpero. Capellam sancti Martini Nane. Capellam sancti Valentini Morzols. Capellam in castro Plaien. Capellam in castro Halla. Aquam in fonte Halla, quam dedit Ebo. Aquam quam dedit Iacto. Prædia quæ dedit Sigboto, Vnchen, & Occheim. Prædium quod dedit Heinricus & Pato Nuspo. Quartam partem decimalis salis. Sane laborum vestrorum quos propriis manibus aut sumptibus colitis, siue de nutrimentis vestrorum animalium, nullus omnino clericus siue laicus a vobis decimas exigere presumat. Interdicitur etiam, ut nemini professionis vestræ facultas fiscalium leuitatis instinetu, vel arctioris religionis obtentu sine Præpositi vel congregationis licentia de claustris discedere, quod si discesserit nullus Episcoporum, nullus Abbatum, nullus Monachorum sine communium litterarum cautione illum suscipiat, quamdiu videlicet in Ecclesia vestra Canonici ordinis tenor Domino præstante viguerit. Si verò secundo vel tertio vocatus redire contempserit, liceat eiusdem loci Præposito, Canonice in eum præferre sententiam. Obveniente verò tenore eiusdem loci Præposito, vel ad alterius Ecclesiæ regimè transfenente, siue quolibet tuorum successorum, nullus ibi qualibet surreptionis astutia, vel violentia substituat, vel præponatur, nisi quem fratres communi consensu, aut pars consilij sanioris secundum DEI timorem, & beati Augustini regulam Canonicè prouiderint eligendum. Sepulturam quoque ipsius loci liberam esse concedimus, ut eorum qui se illic sepeliri deliberauerint, extreme voluntati & deuotioni nullus obstet, nisi fuerint excommunicati, salua tamen iustitia matricis Ecclesiæ suæ. Decernimus ergo, ut nulli omnino homi-

no hominum liceat præfatam Ecclesiam temerè perturbare, aut eius bona vel possessiones auferre, vel ablatas retinere, minuere, seu quibuslibet indebitis exactioibus vel molestiis fatigare, sed omnia integra conseruentur eorum, pro quorum gubernatione ac sustentatione concessa sunt vsibus omnimodis profutura, salua nimirum *Salisburgensis* Archiepiscopi Canonica iustitia. Si qua igitur in futurum Ecclesiastica secularisue persona hanc nostræ constitutionis paginam sciens contra eam temerè venire temptauerit, secundò tertidue comonita, si non satisfactioe congrua reatum suum correxerit, potestatis honorisq; sui dignitate careat, reamq; se diuino iudicio existere de perpetrata iniquitate cognoscat, & à sacratissimo corpore ac sanguine Dei aliena fiat. Cunctis autem eidem loco sui iura seruantibus sit pax &c. Datum *Lateran.* per manum *Baronis* Capellani. Non. Aprilis. Indictione VII. Incarnationis Dominicæ Anno M. C. XLIV. Pontificatus nostri anno primo.

Confirmatio ordinis & Bonorum Monasterij

per *Eugenium* Papam III.

E*Vgenius* Episcopus seruus seruorum Dei. Dilectis filiis *Lanzoni Hallensi* Præposito, eiusque fratribus tam præsentibus quàm futuris regularem vitam professis, in perpetuum. Quoties illud à nobis petitur quod religioni & honestati conuenire monstratur, animo nos decet libenti concedere, & petentium desideriis congruum impertiri suffragium, & propter dilecti in Dño filij vestris iustis petitionib. clementer annuimus, & prædecessoris nostri felicitis recordationis PP. *Lucij*, vestigiis inhærentes, præfatam *Hallensem* Ecclesiam, in qua diuino mancipati estis obsequio, sub B. Petri & nostra protectione suscipimus, & præsentis scripti priuilegio comunimus, statuentes vt in eadem ecclesia, prout Venerabilis frater noster *Conr. Salisburgensis* Archieps ordinauit, & scripto suo firmavit, ordo Canonicus secundum B. *Augustini* regulam perpetuis temporibus inuiolabiliter conseruetur. Præterea quæcunq; possessiones, quæcunq; bona in præsentiarum iuste & canonicè possidetis, aut in futurum concessione Pontificum, liberalitate Regum, largitione Principum, oblatione fidelium, seu aliis iustis modis, præstante Domino poteritis adipisci, firma vobis vestrisq; successorib. & illibata permaneant. In quibus hæc propriis duximus exprimenda vocabulis. Decimalem salem, prædium quod nominatur *Svvan* cum omnib. appendiciis ad hoc pertinentibus, quod prædictus Archiepiscopus præfatæ Ecclesiæ tribuit. Aquam in fonte *Halls* quam dedit *Ebo*, Aquam quam dedit *Iacco*, prædium quod dedit *Sigiboto Occheim*, prædium quod dedit *Henricus Nutzpotum*. Sanè laborum vestrorum quos propriis manibus aut sumptibus colitis, siue de nutrimentis vestrorum animalium nullus omnino clericus siue laicus à vobis decimas exigere præsumat. Interdicimus etiam vt nemini professionis vestræ facultas sit alicuius leuitatis instinctu, vel arctioris Religionis vestræ obtentu, sine Præpositi vel congregationis licentia de claustro discedere, quod si discesserit nullus Episcoporum, nullus Abbatum, nullus Monachorum sine comunium litterarum cautione illum suscipiat, quamdiu videlicet in Ecclesia vestra Canonici ordinis tenor Domino præstante vigerit. Si verò secundò tertidue vocatus redire contempserit, liceat eiusdem loci Præposito, vel ad alterius Ecclesiæ regimen transeunte, sine quolibet tuorum successorum, nullus ibi qualibet surreptionis astutia seu violentia substituatur vel præponatur, nisi quem

Metrop. Salub. Tom. II.

uu 3

fratres